

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dani kúuma, ti baa paadí

**BÀALÓ KOANBÁLA TÁÁNLI
JAGA DOAGIDIMA**

(PP-G N°003-2026)

Pengidiwende Silibeedi WEDIRAWOGO

Wagidugu, li binli 2026 cilè dana 29

Báalo Koanbála táánli den kali Wagidugu
nani ban maani ki tiedi mààma dana lele kúli,
li binli 2026, cilè dana 22, alaamuda daali
ki cili leerì 9 yogunu ki ban gbeni leerì 13 leni miniti 31,
Kapitenni Ibirayimi TARAWORE, yua n tie ti Diema Yudanciamo
leni a Koanbála Táánli Liigiyua n den gobidi laa táánli.

A Koanbála Táánli den noanli li daali máyùla nni
ki tàà a jaga, ki puni i làabáali,
ki dini bi niba a bála li tuonli pò,
ki puni u sanu bi niba n gedi dietoama nni ti diema yèli pò.

I. A JAGA

I.1. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

A Koanbála Táanli taa **masienkàama tili yenli** ki waani laa koanbádiegu n bogini màama.

Laa masienkàama tili táama tuugi leni Gufenema Koanbála lebidima yaama n den tieni li binli 2026, cilè dana 12 ki go táani leni yaa lebidima n tieni ban den taa yaa masienkàama tili nni li binli 2025, piiga n cilie dan 1 daali ke mi lanba tie n°2025-1545/PF/PRIM, ki waani ti koanbadiedi n gagidi ki bogini màamà.

Li boncanla yaala n tugi yùli ti koanbadiedi yuandiboginma nni tie :

- ki cilini ku koanbadiegu jaga tila dianma leni a kubima Liiga yua duogili tuonli ;
- ki cilini bu kpaabu tuona leni mi findimoanma tuona cagili jaga tila dianma leni a kubima tuonli;
- ki pugini yaa cagili n diidi bu kpaabu, li yanwubili leni u jankpaanu tuona nni mi ñima tuona;
- ki teni mi ñima nni bonpiakàala tuona gobidima cagili leni mi ñinjanma tuonsoandieciangu, leni mi ñima nni bonpiakàala tuonsoandieciangu leni mi ñima diedi maama tuonsoandieciangu n táani tuonsoandieyengu nni ki tua mi ñima leni mi ñima nni bonpiakàala tuonsoandieciangugu ;
- ki bolini mi ñima nni bonbuakàala tonma cagili, i ñinbonfuodi leni ku ñangu cagili, ki guani laa caga tuona li jeeguoli cagili nni ;
- ki teni mi gaanilindima guunli tuonsoandieciangu (DESEPE), leni mi ñima nni bonfuondi bolinma tuonsoandieciangu, leni ti ñinjoagindi kubima tuonsoandieciangu n táani tuonsoandieyengu nni ki tua mi gaanilinma leni u kaanu ñangu tuonsoandieciangu (DESESEVE) ;

- ki teni ku tiigu ṇalimano leni u yogunu lebidima tuonsoandieciangu, leni li a dojaana ṇalimano puginma tuonsoandieciangu n táani tuonsoandieyengu nni ki tua a dojaana ṇalimano puginma tuonsoandieciangu (DESEPERI) ;
- ki cilini i tiidi bonbulikàla (bonpagikàala) tuoncaga tuonsoandiegu i tiidi bonpagikàala tuonsoandieciangu nni ;
- ki teni bu kpaabu, li yanwubili leni mi ñima bonpiakàala tuonsoandieciangu leni mi ñima leni mi gaanilindima ṇangu tuonsoandieciangu n táani tuonsoandieyengu nni ki tua bu kpaabu, mi ñima, li yanwubili leni mi ñima nni bonpiakàala tuonsoandieciangu desiyoniba nni (DERAYERASI) leni porovensinba nni.

Laa masienkàama tili táama baa teni bu kpaabu, mi ñima, li yanwubili leni mi ñima nni bonpiakàala tuona koanbadiegu n báa bogincanma ki fidi ki yaa tuuni ku tuona ke li dagidi.

I.2. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI.

A Koanbála Táanli táa **tiwaankàana lie (02).**

Li tiwaankakpiali tuugi leni **ban bogini yaa masienkàama tili** ki bolini polotiki caga leni polotiki tataancaga.

Li binli 2022, polotiki caga cenli ṇamu tili nni den pia politique caga 209 leni polotiki tataancaga 12. Ama, yaa tigandu (voti) n den tieni li binli 2022, piiga n cilo dana 22 yeni, polotiki caga ki táani leni polotiki tataancaga 125 bebe n den fidi ki ñani yaa niba ke bi baa gandi ba, bi siiga polotiki caga 15 mo n den báa ke niyendi yendo tua Depite. Laa titoali pò, yaa niba n den tuo ki toani (ki vote) den tie kobiga yùli po 49,66%.

Laa bonla doagidi ke bi niba ṇua bi yabe polotiki caga nni ki teni ke polotiki caga pugidi boncianla ama ki naa bani canyi polotiki tuona n lingi yaala mi

diema niba yema ŋamu pò. Moko, polotiki caga leni polotiki tataancaga naa fidi ki teni ke bi niba kuandi bi yama nni polotiki tuona pò. Lan kuli táani ki waani ke polotiki caga gbáli ki soani bi tuonli nani mi diema báli máama tánpuuli tili nni lan bili màamà polotiki caga tuona pò.

Yeni, polotiki caga n bogini màamà ti diema nni tie yaal bonla n cuani bi domààtieba siiga mi paadima, ki wadi bi niba siiga tayienu gbamanu, ki teni ke u táajuogu ki ji ye ki go wadi mi diema nni mi findima gbamanu. Laa bonla kuli pò, ki go táani leni polotiki caga nni bi nitianba tuadigunda, bi den táa li jagili ki sieni polotiki caga leni polotiki tataancaga tuona li binli 2022, ciyia dana 30 daali.

Depiteenba n den ñani yaa tiwaakàali li binli 2023, ciyia dana 22 ki doagidi ban den gedi desiyoninba nni ki boni leni bi niba yaala n tie polotiki tuona lebidima pò, ti tuonsoandiedi leni saliwudu tuona lebidima pò, bi niba boncianla den waani ke bi sugini moamoani ban bolini polotiki caga leni polotiki tataancaga tuona.

Li doagidi canyi ke polotiki caga n bogini màamà ŋoadi leni yaaba n den cuani ti yonbidi ti diema nni nunlema leni ban yuandi ki táa yaa sanbila ki bua ki diedi ti ŋalimani. Laa nunlema ki yegi leni ti taayienu leni ti mààsùàdi sanbila, li gbindinni tuongunda baba bi niba yema gobidima nni.

Lani n teni moala pò ban táa a jaga ki baa guani ki bogini Bàaló tuona bi niba yema gobidima nni, bi kpaagi ki sua ke polotiki caga leni polotiki tataancaga bolima tie tilade bi niba yema ŋamu gobidima pò.

Ki bolini polotiki caga baa teni ban báa ki yaa táani yaa jaga n moana ki yegi leni mi lebidimoanma nunlema.

Laa masienkàama tili táama doagidi canyi ke polotiki caga leni polotiki tataacaga ki ji ye moala nna Bulicina Faso nni.

Li tiwaankalieli tuugi leni **ban bogini yaa báli máama** ki bolini ban den ñani yaa báli máama li binli 2001, piiga n cilo dana 29 ke mi lanba tie n°032-2001/AN, ki waani Bulicina Faso nni polotiki caga leni polotiki tataacaga báli máama n tie yaama leni ban den ñani yaa báli máama li binli 2009, cimuu dana 14 ke mi lanba tie n°008-2009/AN, ki waani polotiki caga buoli leni u tigandu tuona ligi ñanma sanbila n yaa ñua màamà, ki pugini leni ban den ñani yaa báli máama li binli 2009, cimuu dana 14 ke mi lanba tie n°009-2009/AN ki waani polotiki caga yaa boagi leni yaa polotiki caga n báa mi diema báli gobidima yema n baa ñoadi màamà, leni yaa báli máama n den guani ki pegidi ma li binli 2013, piiga n cilie dana 17 ke mi lanba tie n°2013/AN.

Laa báli máama tila kuli todi ke polotiki caga buoli yabidi ama ki naa pia nunlemoanma, ki naa báadi gandikààba boncianla , ki naa go ye mi diema nni i dogi nni kuli, ki teni ke bi niba luo ti dugidi Bàaló tuonsoandiedi pò.

Moko, li waagi boncianla hali laa báli máama n ñani ki luodi polotiki caga puginma sanbila, ama ke li naa yegi leni bi niba n sugini màamà moamoani li guunli leni bi niba yema ñamu gobidima fuuli nni, ki ban cie mo leni Bàaló n moa yaa lebidimoanma pò moala ne mi diema niba táayienu puginma pò leni u ligi biandu wadima a tuona soanma nni leni li bondakàali nni.

Nani polotiki caga buoli n ki fidi ki tuuni a tuona nani lan bili màamà pò, ki pugini leni Gufenema n pia yaa yantiali ti diema gobidima sanbila lebidima pò, bi den sieni li binli 2022, ciyia dana 30 polotiki caga buoli tuona.

Laa bonla kuli teni ke polotiki caga buoli báli máama bolinma baa todi ban báa ki bogini ñama yaa báli máama n dagidi ki tuugi leni bi niba taayenñu leni ti màásùàdi sanbila. Laa báli máama bolinma baa luodi Bulicina Faso nni polotiki tuona pò mi lebidimoanma sanu.

A Koanbála Táanli tuo ke ban bogini yaa báli máama yenì n pundi Depiteenba tuonsoandiegu kani.

I.3. YAA KOANBADIEGU N DIE U LOAGU LENI I LIGI KUBIMA TUONA KANI.

A Koanbála Táanli táa **tiwaankàana piiga (10)**.

Li tiwaankakpiali tuugi leni **ban bogini yaa masienkàama tili** ki waani ban ñani yaa báli máama ki baa gobidi yaa yantiajaga n táa a tuoncaga soanma pò Bulicina Faso nni.

Ki teni Báló n tuuni yaa tuona mi diema nni n fidi ki lebidi ki ñanbi bi niba yema, bi den guani ki lebidi Bulicina Faso nni Báló tuona gobidima sanbila ki tugini a leni yaa yantianjaga n táa mi findima tuonjaana po leni mi findima tuonboginkàana po.

Yaa masienkàama n bogini yenì bua ki ñani yaa báli máama n pia u paalú, ki tie yaa másanbila n dagidi ki baa yaa pegidi ki gobidi a tuona màamà ke Báló tuonsoandiedi baa fidi ki yaa bogindi ki go yaa gobidi ti cele, yaa tuona n pundi ki soani tiladi bi niba yema ñamu pò.

Li boncanla yaala n tugi yùli laa masienkàama tili nni tie :

- ki teni yaa tuona n baa soani bi niba yema ñamu pò gagidima, boginma, leni a goandima n yaa yegi leni Báló nunlema;
- ki wadi ki táani yaa tuonsoandiedi n baa yaa gobidi a tuona kuli tuonsoadieyengu nni kun yaa gobidi ban táa yaa yantiajaga a tuoncaga soanma pò koanbadiegu kuli nni ;
- ki wadi ki dagini ti tuonsoandiedi cenli ñamu ligi 5% ban táa yaa yantiajaga a tuoncaga soanma pò ligi táanma nni, lan teni i ligi n yaa ña a tuona soanma po bebe ;

- ki luodi ku ligikpagu Bàaló ligi kubima banko nni ki baa ki yaa bilidi Bàaló pò bi todikàaba n ñandi yaa ligi mi findima tuoncaga soanma pò.

Laa masienkàama tili táama baa teni ban táa yaa yantiajaga Bulicina Faso nni mi findima tuona soanma pò n báa yaa báli máama n dagidi Bàaló tuonna soanma gobidima ñamu pò.

Li tiwaankalieli tuugi leni **ban bogini yaa masienkàama tili** ki baa paa u sanu Bàaló n pugini i ligi ERRI BULICINA SA tuonsoancagili nni ki go teni laa tuonsoancagili n tua Bàaló tuonsoancagili.

Li pundi bina bà ke i biakàabi tuonsoancagili ERRI BULICINA ye leni i ligi leni a tuontiamà soanma paka hali màamà ke li wadi boncianla li sancena leni li piama. Lani yaa po n teni ke Bàaló táa li jagigili ki baa guani ki bogini ñama laa tuonsoancagili.

Yeni, li binli 2024, ci yia dana 24, Bàaló den mia boncélidaano yendo ke o tuo ki baa teni Bàaló biini kobiga n piiga n yendu (111) lani n tie 1% li tuonsoancagili ligiyùli nni, ki go báa ñáá wan bi die yaa biini kuli leni Bàaló ke Bàaló baa teni o kuyenga (01) lan tua o panpaani màalimà. Li yaa puoli, Bàaló bebe n ji yeni ERRI BULICINA tuonsoancagili piama kuli, ke li teni ke laa tuonsoancagili tua Bàalo tuonsoancagili.

Laa masienkàama tili táama baa teni Bàalo n báa ki táani wan diedi yaa biini yeni o piama nni lan pugini Bàaló biini ERRI BULICINA tuonsoancagili ligiyùli nni, nani li báli máama yaama n den táa li binli 1999, piiga n cilo dana 16 ke min lanba tie n°025/99/AN, ki waani Bàalo n die yaa tuonsoancaga yeni kuli n baa yaa cuoni màamà.

Li tiwaakataali tuugi leni **ban bogini yaa masienkàama tili** ki cilini nni li tuonli báama tuonsoandiegu Bulicina nni « ABEPE ».

Li tuonli báama tuonsoancagili Bulicina nni tie mi diema nni li tuonli báama tuonsoancagili (AYENNEPE) leni mi diema nni li tuonli leni mi mituonsoanbanma bangima làabáalitenma tuonsoancagili (ONEFI) n táani ki mali yaa tuonsoancagili. Bi diidi ki sua ke laa tuonsoancagilieda kuli ŋmani ke a tuona tie yenma a tuona báama todima pò.

Laa tuonsoancaga táanma tuonsoancagiyenli nni ŋoadi leni ban táa yaa jagili ti tuonsoandiedi wadima pò, lan teni Bàaló n baa ki yaa gobidi ŋama ti tuonsoandiedi ke a tuona cuoni ke li dagidi. Ki wadi ti tuonsoandiedi baa go pugini a tuona soanma nni bi niba gobidima leni i ligi boginma ŋamu, ki luodi `yaaba n lingi a tuona pò li tuonli báama leni a tuonmoana soanma sanbila.

Laa masienkàama tili táama baa teni ban cilini Bulina nni li tuonli báama tuonsoancagili yaali n baa todi bi nipanba leni yaaba n lingi a tuona kuli n báa yaa tuona n dagidi bi yema ŋamu pò.

Li tiwaankanaali tuugi leni mi findima sanbila tuona gobidima tili táama ban yi yaali Pilan RELANSI li binli 2026 ki yaa ca 2030 pò.

Ki teni mi findima tuona boginma n ŋuadi nani ban den ñani yaa báli máama li binli 2018, cilele dana 27 ke mi lanba tie n°034-2018/AN, ki waani mi findima sanbila n tie ya leni li tuona n baa yaa gobidi màamà, li tie tilade Burkina Faso n yen bogini bina muu siiga kuli mi diema findima sanbila tuona gobidima tili yaali n baa gagidi canyi yaa tuona n tie tiladi mi findima pò ki tuugi leni mi diema nunlema yaa yoguni n kpendi pò.

Li binli 2026 ki yaa ca 2030 Pilan RELANSI boginma ŋoadi leni puoli po bina mi findima tuona n den soani màamà ki pugini leni moala nna po yaa tuona n bua mi findima nunlema nni. Pilan RELANSI li binli 2026 ki yaa ca 2030 go ñii mi lebidima báli máama pò ban den ñani yaama li binli 2022, cipiiga dana 14 leni yaa báli máama n den guari ki pegidi ma li binli 2024, cimuu dana 25, ki

pugini leni mi diema liiga yaaba yantiajaga mi lebidima moanma pò, a tuoncaga pò leni Bulicina niba kuli suginma nani lan doagidi màama « Bulicina Faso n bogini yaa tuona ki baa soani ne leni li binli 2060 » tili nni.

Mi findima sanbila tuona gobidima tili Pilan RELANSI li binli 2026 ki yaa ca 2030 nunlema tie ki teni « *Bulicina Faso n tua yaa diema n die mi yùli ke li báali ye, ki moa mi yùcéli findimoanma pò leni bi niba kuli yema ŋamu pò* ». Mi findima tuona soanma pò, bi ñani sanbila naa (04). Lani n tie :

- Sanbiyenli 1 « ki pugini li guunli, u taayeŋamu leni mi yàndùànma » ;
- Sanbiyenli 2 « ki pugini Bàaló paalú ki go ŋanbi bi niba gobidima » ;
- Sanbiyenli 3 « ki pugini bi niba tuonsoanbanma » ;
- Sanbiyenli 4 « ki pugini a diegbenga maama leni i sani tienma ki go pugini u loagu tuona ñuadi bi niba pò ».

Laa masienkàama tili táama baa teni Bulicina Faso n báa mi findima sanbila tuona gobidima pò tipanli ban yi yaali Pilan RELANSI li binli 2026 ki yaa ca 2030.

Li tiwaankamuuli tuugi leni **ban bogini yaa masienkàama tili** ki waani mi findima sanbila tuona boginma Pilan RELANSI li binli 2026 ki yaa ca 2030 cilima, li tuonbuoli, li boginma, lin baa yaa cuoni màamà.

Mi findima sanbila tuona boginma Pilan RELANSI li binli 2026 ki yaa ca 2030 tie Gufenema n baa ñii yaa tili pò ki soani mi findima, li báali leni bi niba yema ŋamu tuona bina muu (05) siiga. Laa tili táama pò li tie tilade ban ñani yaa báli máama n baa yaa diidi ki go pegidi a tuona soanma nani yaa masienkàama tili n tie ne.

Yaa báli máama n yegi leni mi findima sanbila tuona boginma Pilan RELANSI li binli 2026 ki yaa ca 2030 mayùla siiga li tie ki yaa diidi ki go pegidi ŋama a

tuona soanma, ki puuni i làabáali yaala n bua kuli pò, ki wangi a tuona n tuuni màama leni i ligi n ña màamà li tuonli pò ke galima bà kuli ki ye.

Laa masienkàama tili táama baa teni ban cilini mi findima sanbila tuona boginma Pílan RELANSI li binli 2026 ki yaa ca 2030 pò.

Li tiwaankaluobili tuugi leni **ban bogini yaa masienkàama tili** ki cilini ti biadi sancenli ligi páma kubima (peyaasinba) tuonsoancagili (ASEPE).

Peyaasinba ligi kubima tuonsoancagili cilima bua ki teni peyaasinba nni a tuona n yaa suagi ke li tiegi ki dagidi bi niba pò ki go teni laa tuonli n tua tuonsoanbanma tuonli, ki pia li cagili leni lin gobidi màamà.

Peyaasinba ligi kubima tuonsoancagili tuonli tie :

- ki yaa gobidi peyaasinba nni a tuona;
- ki moandi ki yaa gáani peyaasinba ligi ki go yaa tigini bi niba laa ligi páma pò;
- ki yaa tuuni Bàaló n puogi yaa tuonbùòlu kuli peyaasinba nni .

Laa masienkàama tili táama baa teni ban cili peyaasinba ligi kubima tuonsoancagili tuona nani yaa masienkàama tili n den táa li binli 2014, cilele dana 24 ke li lanba tie n°2014-609/PRES/PM/MEF/MFPTSS ki waani Bàaló tuonsoandiedi cilima, ti gobidima leni laa tuonsoandiedi guari bolinma n báa ñoadi màamà.

Li tiwaankaleleeli tuugi leni **ban bogini yaa masienkàama tili** ki waani peyaasinba ligi kubima tuonsoancagili (ASEPE) mabilikàama tila táama.

Laa masienkàama tili táama baa teni peyaasinba ligi kubima tuonsoancagili n báa yaa báli máama n dagidi ki yaa tuuni li tuona ke li dagidi nani yaa masienkàama tili n den táa li binli 2014, cilele dana 24 ke li lanba tie n°2014-

613/PRES/PM/MEF ki waani yaa mabilikàama n ye Bàaló saliwudo gobidima tuonsoandiedi pò.

Li tiwaakaniili tuugi leni **ban bogini yaa masienkàama tili** ki bolini Bulicuna Faso nni i sani kubima ligicagili.

Bi bolini laa ligicagili ki bua ki wadi Bàaló tuonsoandiedi lan teni Gufenema tuona n yaa tuuni ke li dagidi. Bulicuna Faso nni i sani kubima ligicagili n bi die yaa tuona guani moala yaa koanbadiegu n die u loagu leni i ligi kubima tuona kani, laa koanbadiegu n baa yaa gáani i sani tienma leni i ñanbima ligi.

Laa masienkàama tili táama waani ke bi bolini Bulicuna Faso nni i sani kubima ligicagili.

Li waankayiali tuugi leni **ban bogini yaa masienkàama tili** ki bogini yaa koanbadiegu n die u loagu leni i ligi kubima tuona.

Laa masienkàama tili bua ki guari ki pegidi ban den ñani yaa masienkàama tili li binli 2024, piiga n cilo dana 22 ke mi lanba tie n°2024-1457/PRES-TRANS/PM/MEF ki waani yaa koanbadiegu n die u loagu leni i ligi kubima tuona n baa bogini màamà, ki teni lan ñoadi nani yaa masienkàama tili n den táa li binli 2025, piiga n cilie dan 1 daali ke mi lanba tie n°2025-1545/PF/PRIM, ki waani ti koanbadiedi n baa bogini màama, koanbadiegu kuli leni ku tuoncele, ki boagidi ki dagini ki go lebidi a tuontiamà.

Laa masienkàama guari pegidima baa teni ban táani ti tuonsoandieciantiandi li boginli nni.

Yaala n tie boncanla laa masienkàama tili nni li tianla tie ke u loagu leni i ligi kubima koanbadiegu nni a tuontiamà baa guani u loagu leni i ligi kubima tuonsoandiedi desiyoninba nni (DEREFI).

Yaa tuona n baa boagidi ki dagini ki go lebidi a tiamà tie :

- mi diema nni i ligi làabáali tenma cagili (SENTIFI) tuona puginma ;
- ki bolini Bàaló tuonsoancagili yaali n die ti buudi máama (AJE), ki guani li tuona ti buudi koanbadiegu po;
- ki lebidi Bàaló bondakàala tila boginma tuonsoandiegu yeli ki teni kun yaa ji yi Bàaló bondakàala tila boginma leni a dianma a masina nni ;
- ki táani Bulicina Faso nni a tuona soanma pò ligibilike ligidiegu tuona ;
- ki táani peyaasinba kubima tuonsoancagili (ASEPE) tuona;
- ki táani Bulicina Faso loagi findima leni bi niba yema ŋamu pò ligicagili (FEBEDES) « Towogo ».

Laa masienkàama tili táama baa teni u loagu leni i ligi kubima koanbadiegu n baa boginpanma a tuona n fidi ki yaa tuuni ke li dagidi.

Li tiwaankapiigili tuugi leni **ban bogini yaa masienkàama tili** ki cilini i biakàabi tuona bangima cogidiecianli Bobo dogu nni (ISABE).

Bulicina Faso n ye leni ti yanyagidi yema yaama nne teni ke mi diema guunli pò, bi bogindi yogunu kuli a tuona bonciancianla bu toabu sanbila nni. ki cilini i biakàabi tuona bangima cogidiecianli Bobo dogu nni (ISABE) li tie yaa bonla n baa luodi ti diema pò li guunli leni mi findima sanbimoanli.

I biakàabi tuona bangima cogidiecianli n baa yaa die yaa tuona a tiama nne :

- a minteela biakaabi tuona cicibanginma, bangipuginkàama leni li bangiñuanma ;
- i biakàabi tuona bandiciama banginma;
- i biakàabi tuona cogu bangima nni, mi bancanma linginma pò, ki pugini ku dalingu leni u taajuogu li ŋandunli nni.

Laa masienkàama tili baa teni ban cilini i biakàabi tuona bangima cogidiecianli Bobo dogu nni.

I.4. LI GUUNLI KOANBADIEGU KANI

A Koanbála Táanli táa **masienkàama tila lie (02)**.

Mi masienkàama tikpiali tuugi leni li guunli koanbadiegu boginma.

Laa masienkàama tili yegi leni Gufenema lebidima yaama n tieni li binli 2026, cilè dana 12 ki ñoadi nani yaa masienkàama tili n den táa li binli 2025, piiga n cilie dan 1 daali ke mi lanba tie n°2025-1545/PF/PRIM, ki waani koanbadiegu kuli n gagidi ki bogini màamà.

Yaa masienkàama tili n tie ne bua ki táani ban yuandi ki pugini yaa tuona li guunli koandiegu nni lani n tie i tiidi leni tifuayandi kubima.

Li boncanla yaala n tugi yùli laa masienkàama tili nni tie a tuonsoancagipaana puginma nani Birigadi Laabáli, li fuali guudima danba (gadeforenba) Tuonsoandieciangu, mi diema fuakuudikàana tuonsoandiegu leni mi diema gadeforenba tuona bangima cogidiecianli.

Laa masienkàama tili táama baa teni li guunli koandiegu n báa boginpanma a tuona n fidi ki yaa tuuni ke li dagidi.

Mi masienkàama tilieli tuugi leni mi diema nni polisinba Tuonsoandieciangu « DESEPENI » boginma leni ku tuona n baa yaa cuoni màamà.

Nani a nibiada miligima n pugidi yogunu kuli màama, báà ke ti diema polisinba moandi ki mááni laa yema laa yebiadima koapaadima nni, li teni ke bi cili polisinba tuona nni cagipààna ki guani ki lebidi ki bogini bi tuona.

Ki lebidi ki bogini polisinba tuona tie yaala n bi bua moamoani ki baa teni mi diema polisinba n baa ki yaa tuuni ban puogi ba yaa tuonli mi diema nni bi niba leni bi bonpiakààla guunli nni leni li báli màama ñoadima pò.

Li boncanla yaala n tugi yùli laa masienkàama nni tie :

- ki boini ki boagidi mi diema polisinba Tuonsoandieciangu caga naa (04) lani n tie yaa polisinba n die bi niba guunli cagili, yaaba n die ti buudi tuona cagili, yaaba n die i làabáli lingima cagili leni leni yaaba n die mi yànduànma tuona cagili ;
- ti tuonsoantiadi tuonsoandiegu cilima lan teni ban fidi ki yaa pia yogunu kuli yaa tuonsoantiadi n moani bi tuona pò;
- mi diema polisinba cagili yaali n die li bonludikàala tienma tuona guanma polisinba Tuonsoandieciangu Liiga yua todikààba tuonli nni;
- polisinba tuonsoandiedi caga leni bi tuona boncianla bolinma leni ti táanma.

Laa masienkàama táama baa teni ti diema polisinba n baa ki yaa tuuni bi tuona ke li dagidi.

I.5. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A Koanbála Táanli táa **masienkàama tili** ki guani ki pegidi yaa masienkàama tili n den táa li binli 2023, cipiiga dana 05 ke mi lanba tie n°2023-1276/PRES-TRANS/PM/MEDICAPME/MEFP, ki waani Bàaló tuonsoandiedi yaadi n kuandi i ligi, Bàaló tuonsoandiegbenga leni yaa tuonsoandiedi n gagidi ki pia ti cele boginma tuona caga gobidikàaba gandima sanbila.

Yaa lebidima n tieni laa masienkàama tili nni baa teni ban báa ki pegidi ti tuonsoandiedi tuona boginma caga gobidikàaba leni bi gobikàaba liiga yaaba gandima sanbila báli máama .

Li boncanla yaala n tugi yùli laa masienkàama tili nni tie :

- ki teni a tuona boginma Gobidikàaba n yaa puuni bi niba a tuona soanma làabáli yogunu kuli ;

- ki teni yaaba n pia mi gobidima banma báli n yen pugini bina taa (03) po bi bálieli gbenma yogunu ;
- ki pugini yaa niba n baa fidi ki tua a tuonsoancaga boginma Gobidikàaba leni a koanbala todikàaba tuonoandiedi liiga yaaba;
- ki yen gandi yaa niba n soani ke li waagi Bàaló leni boncelidanba tuonsoandiedi nni ban tua a tuonsoancaga boginma.

Laa masienkàama táama baa teni ban báa ki pagini a tuonsoancaga tuona boginma Gobidikàaba gandima n baa fidi ki cuani yaa paka.

I.6. U BAADOGU MAAMA TUONA KOANBADIEGU KANI

A Koanbála Táanli táa **masienkàama tili yenli** ki bogini laa koanbadiegu.

Yaa masienkàama tili n den táa li binli 2026, cilè dana 12 ke mi lanba tie n° 2026-0006/PF/PRIM ki waani Gufenema lebidima den cilini u báadogu maama tuona koanbadiegu, yaagu n táani i sani tienma leni a diegbenga maama koanbadiegu leni i dociami tinbuona boginma leni a dieduankàana maama koanbadiegu kaanyendu.

Laa koanbadiedi táanma kaanyendu bua bogincanma lan teni yaa koanbadiegu n ye n báa ki soani ban pugini ku niini yaa tuona.

Yaala n tie boncanla ki tugi li yùli laa masienkàama tilin ni tie :

- ki teni yaa koanbadiegu n cili yeni n yaa pia desiyon kuli nni leni porovensi kuli nni ku yùceli pò tuonsoandieyengu;
- ki páádi li tuonli soanma leni li tuonli soanma n pia yaa sanbila ;
- ki cilini ku koanbadiegu jaga tila dianma leni a kubima Liiga yua duogili tuonli.

Laa masienkàama tili táama baa teni u báadógú buama maama tuona koanbadiegu n báa boginpanma ku tuona soanma pò nani yaa maa masienkàama tili n den táa li binli 2025, piiga n cilie dan 1 daali ke mi lanba tie n°2025-1545/PF/PRIM, ki waani koanbadiegu kuli n baa gagidi ki bogini màamà.

II. I LÀABÁALITENKE

II.1. Yaa koanbadiegu n die u loagu leni i ligi kubima tuona puni a koanbala taanli làabáali lie **(02)** :

- **u làabáalikpialu** waani mi goandima n mali yaala yaa tinfanma ke SONATIIRI n den boagidi bi niba Waga 2000 (Waga Deemili) ki baa bandi yuakuli ya fidi ki tieni bonla mi tinfanma yeni po. Laa goandima den tieni li binli 2025 cilele dana 29 ki gedi ciyia 16.

Laa goandima mayuli den tie ki bandi bi niba n soani yaa tuona SONATIIRI n den boagidi bàà yaa tinfanma pò Waga 2000 (Waga Deemili) leni Konmisiliga, yeni ki baani mi tinfankuonma coalì, yaama yaa po ke bi maa ki jidi leni yaama yaa po ke bi bondanba maa ki gbeni mo yaa coalì.

Mi goandikpiama yogunu bi den coadi tinfankuonma 2 654 leni yaama yaa po ke bi maa ki jidi 3 407. Mi goandiliema yogunu mo bi den coadi tinfankuonma 522, yaama yaa po ke bi maa ki jidi 1 184 leni tinfanma 17 yaama ke laa tuo ke bi pundi ki goandi.

Laa goandima teni ke bi bandi bi niba kalima mi tinfanma po leni mi maama mi tinfanma yeni po n tie maama.

- **u làabáalilielu** waani u baadogu buama todima ligi tuona n soani ki sedi maama.

U baadogu buama todima ligi tuona doagidima waani yaa ligi n kua leni yaa ligi ñani n fii maama li binli 2025 piiga n cilie dana 31 yogunu.

Li binli 2025 cilè daali 1 ki gedi piiga n cilie dana 31 yogunu yaa ligi kuli n kua fii **k 44 448 425 258,3 Sefa ligi**, ki sua ban den bili ki sugini yaa ligi n kua li binli nni tie **30 000 000 000 sefa ligi**.

Laa ligikuama doagidi ke yaa ligi n kua yabidi ki cie li binli 2024 yaali n pendi , kelima laa binli yaa ligi n den kua kuli taanma den fii **k 35 137 016 862 sefa ligi** ; lan tie mi puginma 26,50% piiga n cilie dana 31 yogunu.

Laa yogunu goga, yaa ligi n den ñani kuli taanma de fii **k 55 217 501 992 sefa ligi** ki sua ban den bili ke yaa ligi n baa ña ki cili li binli 2025 cilè ki gedi piiga n cilie den tie **k 55 591 428 326 sefa ligi**.

Li binli 2025 juodima, yaa ligi n taani den pundi **k 15 927 719 375 sefa ligi** ; mi ligikuama pugini ki pundi 55,85% ti ya boagini leni yaa binli n pendi. Mi puginma ñoadi ke bi pegidi mi wulagbima ligi yi n pundi **k 7 893 663 116 sefa ligi** ki tie yi ke bi den tendi kominninba findima pò ki guani laa sanbitaali nni ; lan tie laa yogunu po yaa ligi n kua pò 49,56% .

II.2. Yaa koanbáli n die i làabáali, ku maasuagu, i nii tagima leni yanluadi goada tuona, Gufenema masoaginlo puni i làabáali yi n tuugi leni ku maasuagu danleleeda badu desiyonba nni li binli 2025 nni, ki tie ki bogini ku masuagu badiciamu Bobo dogu nni li binli 2026.

Ku maasuagu danleleeda badu desiyonba nni den tieni li binli 2025 ciyia dana 6 ki gedi piiga n cilo dana 11 Bulicina desiyonba 14 nni leni dogi 3 nni lan tie Kodivuari, Mali leni Niseeri.

Cajelicaga 1 874 n den kua u jeligu nni, ki sua li binli 2023 li den tie cajelicaga 1 657. Laa puginma doagidi bi niba n pia yankuali ku masuagu badiciamu po.

Mi boaginma puoli, ban kubi yaaba ke ban suagi mi boaginma (biigima) ku masuagu badiciamu li binli 2026 nni Bobo po tie cajelicaga leni yanyinla 128, a nannana diankaaba 28, a ticogikaana diankaaba 112, a jejaada 49 leni ku maasuagu gbansaagu jeliti danba 431. Bulicina maabila yaaba n ye dotoe nni moko baa taani leni niba 70 ki tie yaaba n baa boagi ti jeliti kuli nni.

Ku masuagu badiciamu mi taabuama 22 baa tieni cinaa dana 25 ki gedi cimuu dana 2 Bobo dogu nni ; li majali baa tua « **Ku maasuagu, bi nipanba leni bi niba yema sanbiɓama gááma** ».

II.3. Yaa koanbáli n die ti buudi tuona puni i làabáali yi n tuugi leni dépiteenba taancianli tuona li binli 2025 pò.

Laa binli nni, dépiteenba noanli bálímaama piita n bonminaa (34) ki tie ban bogini yaama ki soagini bi kani. Mi niinni bálímaama piilie n bonminaa (24) tie ban taa yaama, ke yaama n sieni mo da ye mi noanlima nni.

Dépiteenba go tieni i buali leni a cena ki baa bandi gufenema tuona n cuoni maama. Laa taancianli yogunu goga, li Cicikoanbáli den taa mi maama depiteenba nuntali li binli 2025 citaa dana 14 ki doagidi mi diema n cuoni maama ki go waani ba a bina 2026 ki gedi 2028 tuona boginma ligiyuli tili.

III. BAN DINI YAABA A BÁLA

III. III.1. BAN DINI YAABA A BÁLA YENDI YENDO TUONA NNI

A. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI.

- O joa Isa kani Sibiri **WEDIRAWOGO**, o lanba li tuonli nni **tie 23 593 L**, o tie tinbuona gobidikoa, bi dini o li báli ke o tua tuonsoanbanma tundikoa ;
- O joa Anburuasi **SOME**, o lanba li tuonli nni tie **28 127 B**, o tie tinbuona gobidikoa, bi dini o li báli ke o tua tuonsoanbanma tundikoa ;

- O joa Mahamudu **SANPALIGIRE**, o lanba li tuonli nni tie **215 227 G**, o tie bujialo, bi dini o li báli ke o tua tuonsoanbanma tundikoa.

B. YAA KOANBADIEGU N DIE U LOAGU LENI I LIGI KUBIMA TUONA KANI.

- **BAMBARA** pua Hélèni Viviani **YAGO**, o lanba li tuonli nni tie **46 219 V**, o tie Baalo ligidiedi goandikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani;
- O joa Loran **BAYALA**, o lanba li tuonli nni tie **53 584 G**, o tie li lubili tuona goandikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani ;
- O joa Amedi **SANPALIGIRE**, o lanba li tuonli nni tie **112 500 P**, o tie Baalo ligidiedi goandikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani ;
- O joa Sidabu Séfíren Mari Konsitanten **SURE**, o lanba li tuonli nni tie **97 637 F**, o tie li lubili tuona goandikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani;
- O joa Mamadu **WATARA**, o lanba li tuonli nni tie **59 666 G**, o tie Baalo ligidiedi goandikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani ;
- O joa Deliwendé Loran **YOGO**, o lanba li tuonli nni tie **111 154 B**, o tie Baalo ligi tuonsoandiedi tuona gobidikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani ;

- O joa Susiten Matie **BADOLO**, o lanba li tuonli nni tie **91 232 H**, o tie Baalo ligi tuonsoandiedi tuona gobidikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani ;
- O joa Alasani **WEDIRAWOGO**, o lanba li tuonli nni tie **37 254 R**, o tie li lubili tuona goandikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani ;
- O joa Isiaka **KABORE**, o lanba li tuonli nni tie **111 128 A**, o tie Baalo ligi tuonsoandiedi tuona gobidikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani;
- O joa Abubakali **IDANI**, o lanba li tuonli nni tie **52 157 H**, o tie Baalo ligi tuonsoandiedi tuona gobidikoa, bi dini o li báli ke o tua Baalo ligi kubili tuona goandikoa Baalo tuonjaali yaali n pia u sanu ki diidi mi diema ligi tuona n cuoni maama kani ;
- O joa Gotie Usunkiri **GULA**, o lanba li tuonli nni tie **228 761 D**, o tie Baalo ligidiedi goandikoa, bi dini o li báli ke o tua yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona tiadi ligikubilo.

C. LI GUUNLI KOANBADIEGU KANI

- O joa Hato Sili Modesiti **SIAN**, o tie minbiteeligbeeli, bi dini o li báli ke o tua tuonsoanbanma tundikoa ke o puogili tie li guunli tuona;
- O joa Erinesiti **KI**, o lanba li tuonli nni tie **227 569 D**, o tie polisi Komiseeri, bi dini o li báli ke o tua tuonsoandiedi tuona goandikoa ;
- O joa Emé **LANKOANDE**, o lanba li tuonli nni tie **111 448 Y**, o tie polisi Komiseeri, bi dini o li báli ke o tua tuonsoandiedi tuona goandikoa ;

- O joa Madi **WEDIRAWOGO**, o lanba li tuonli nni tie **119 417 T**, o tie polisi Komiseeri, bi dini o li báli ke o tua tuonsoandiedi tuona goandikoa ;
- O joa Wendilasida S. Risari **BELEMI**, o lanba li tuonli nni tie **111 435 P**, o tie polisi Komiseeri, bi dini o li báli ke o tuonsoandiedi tuona goandikoa;
- O pua Iveti **NANGA**, o lanba li tuonli nni tie **101 223 Z**, o tie polisi Komiseeri, bi dini o li báli ke o tua, tuonsoandiedi tuona goandikoa ;
- O joa Lasani **WEDIRAWOGO**, o lanba li tuonli nni tie **111 739 P**, o tie polisi, bi dini o li báli ke o tua mi diema nni polisinba tuona gobidikoa;
- O joa Yéwaya Alegisi Seyidu **SUBIGA**, o lanba li tuonli nni tie **101 467 S**, o tie polisi, bi dini o li báli ke o tua polisinba tuona gobidikaaba goandikoa.

D. YAA KOANBADIEGU N DIE TI DIEMA LENI DIETOAMA SIIGA NANTAADI KANI.

- O pua Nibè-Ne Sikolasitiki **SOME**, o lanba li tuonli nni tie **59 228 R**, o tie masoaginlo, bi dini o li báli ke o tua a masoaginla cagili Liiga-yua.

E. YAA KOANBADIEGU N DIE I LÀABÁALI, KU MAASUAGU, I NII TAGIMA LENI YANLUADI GOADA TUONA KANI

- O joa Filipi **DENDANE**, o tie minteeligbeeli, bi dini o li báli ke o tua tuonsoanbanma tundikoa ke o puogili tie li guunli tuona;
- **SOME** pua Sérafini /**MILLOGO**, o lanba li tuonli nni tie **98 287 Z**, o tie a làabáalitenla tundikoa, bi dini o li báli ke o tua li koanbáli todikoa;
- **KONGO** pua Noweli /**SALOUKA**, o lanba li tuonli nni tie **216 714 W**, o tie Ku maasuagu tuona tundikoa, bi dini o li báli ke o tua ku maasuagu leni i nii tagima tuona Liiga-yua ;

- O joa Donnibo Jakoabo **DA**, o lanba li tuonli nni tie **111 119 R**, o tie Baalo ligi tuonsoandiedi tuona gobidikoa, bi dini o li báli ke o tua ligikubili tuona liiga-yua ;
- O joa Erinesiti **DAWO**, o lanba li tuonli nni tie **345 072 T**, o tie a tuona boginma cagili gobidikoa, bi dini o li báli ke o tua Afiriki nni, i nii tagima tuona tuoncagili (SERAVE/Afidiki) kani ku danligu tuona Liiga-yua ;
- O joa Inusa **BELEMI**, o lanba li tuonli nni tie **117 272 Y**, o tie ku maasuagu tiadi guudima diegu tuonsoanlo, bi dini o li báli ke o tua a tila, i làabáali leni li coali tuona Liiga-yua Afidiki nni i nii tagima tuona tuonsoanjaali kani ;
- O joa Mariselen **SANGO**, o lanba li tuonli nni tie **216 768 G**, o tie Ku maasuagu tuona tundikoa, bi dini o li báli ke o tua a tuonboginkaana, u cogu leni mi bangima Liiga-yua.

F. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

- O joa Isimayeli Saturinen **PARE**, o lanba li tuonli nni tie **313 448 D**, o tie a làabáalitenla tundikoa, bi dini o li báli ke o tua mi làabáalitenma leni ku koanbadiegu làabáalitila Liiga-yua.

G. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

- O joa Sanwé Médari **KIENU**, o lanba li tuonli nni tie **257 263 Y**, o tie iniverisité cogibicanbaa, bi dini o li báli ke o tua u cogu banma siedi tila leni a ŋamu tuona Liiga-yua ;
- O pua Puninyala Awa **WOBA**, o lanba li tuonli nni tie **257 221 K**, o tie Iniverisité cogibicannaa, bi dini o li báli ke o tua bonceli cogidiegbenga tuonjaana Liiga-yua ;

- O joa Basiaka **WATARA**, o lanba li tuonli nni tie **271 431 Y**, o tie iniverisit  cogibicanbaa, bi dini o li b li ke o tua Baalo cogidiegbenga tuonjaana Liiga-yua.

III.2. BAN DINI YAABA A BÁLA A TUONSOANJÀANA YELI PÒ

A Koanbála Táanli baa ban dini yaaba a bála a tuonjaana tuona boginma pò:

- Bi niba coali leni bi yema n cuoni màama tuonjaali (INESIDE) yaa koanbadiegu n die u loagu leni i ligi kubima tuona yeli nni ;

- Bi niba laafialo tuonjaali (IENSIPE) leni Pala logitodieciangu (SEHASI-P) li laafiali koanbadiegu yeli nni ;
- U nuu tuonsoanbanma tuona badu li ɲandunli dogi po Wagidigu nni (SIAWO) leni Bulicina Faso nni yaa tuonjaali n diidi ban bili yaa sanbila ti kpenkpenditiadi ɲamu po (ABINORIMI) Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona yeli nni ;
- Iniverisité Nasi BONI kani, yaa koanbadiegu n die a cogibigbenga cógú leni mi bancanma linginma tuona de Université yeli nni.

A. YAA KOANBADIEGU N DIE U LOAGU LENI I LIGI KUBIMA TUONA.

A Koanbála Táanli táa **masienkaama tili yenli** ki dini li báli o joa Toalé Sibiri **SORI**, o lanba li tuonli nni tie **254 818 V**, o tie logitogbeeli, o tua a tuona boginma cagili gobidikoa Baalo yeli po, li laafiali koanbadiegu yeli nni, bi niba coali leni bi yema n cuoni màama tuonjaali (INESIDE) tuona boginma cagili kani, o cici báli pò bina táa (03).

B. LI LAAFIALI KOANBADIEGU KANI

A Koanbála Táanli táa **masienkaama tila lie (02)**.

Mi masienkaama tikpiali dini li báli o pua Asèta **SAMA**, o lanba li tuonli nni tie **212 382 P**, o tie bi tuonsoanba sanbila gobidikoa, o tua, a tuona boginma cagili gobidikoa Baalo yeli po, ti diema niba tuonsoanba koanbadiegu yeli nni, bi niba laafialo tuonjaali (IENSIPE) tuona boginma cagili kani, o cici báli pò bina táa (03), ki tua o joa Isimayeli SAWADOGO lebidu ;

Mi masienkaama tilieli dini li báli o joa Kuaku Makua **DA**, o lanba li tuonli nni tie **111 105 F**, o tie Baalo ligidiedi goandikoa, bi dini o li báli ke o tua a tuona boginma cagili gobidikoa Baalo yeli po, ti diema niba tuonsoanba koanbadiegu yeli nni, Pala logitodieciangu (SEHASI-P) tuona boginma cagili kani, o cici báli pò bina táa (03).

C. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA

A Koanbála Táanli táa **masienkaama tilalie (02)**.

Mi masienkaama tikpiali goa ki pandi o pua Arisuma Simoni **LANKOANDE** báli, o lanba li tuonli nni tie **20 09 004 E**, o tie ligikubilo, o tua a tuona boginma

cagili gobidikoa u nuu tuonsoanbanma tuona badu li ɲandunli dogi po Wagidigu nni (SIAWO) yeli po, o bájuodikaali pò bina táa (03).

Mi masienkaama tilieli goa ki pandi **SONGO** Lidi /**SANON báli, o lanba li tuonli nni tie 111 324 L**, o tie u loagu tuona tundikoa, o tua a tuona boginma cagili gobidikoa Baalo yeli po, Bulicina Faso nni yaa tuonjaali n diidi ban bili yaa sanbila ti kpenkpenditiadi ɲamu po (ABINORIMI) tuona boginma cagili kani, o bájuodikaali pò bina táa (03)

D. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA

A Koanbála Táanli táa **masienkaama tili yenli** ki dini a bala yaa yaa niba yaa yela n ɲua ne ke bi tua Iniverisité Nasi BONI tuona boginma cagili gobidikaaba bi cici báli pò bina táa (03).

YUA N TUA A TUONA BOGINMA CAGILI GOBIDIKOA BÀALÓ YELI PÒ

Yaa koanbadiegu n die ti buudi tuona :

- O joa Adama **KAFANDO**, o lanba li tuonli nni tie **130 307 L**, o tie bujialo.

YUA N TUA A TUONA BOGINMA CAGILI GOBIDIKOA GIRIKO DESIYON TINBUOLI CAGILI GOBIDIKÀABA YELI PÒ

- O joa Birahima **SERIBA**, o lanba li tuonli nni tie **97 451 J**, o tie ti buudi saliwudo tidianla yudaano.



www.sig.gov.bf

Gufenema Masoagindo



Pengidiwende Silibeedi WEDIRAWOGO

O baa Bàaló jaandi leni Tanjoa maalima